



Siverth K. Heilmann

UKA 2022/94-1

Atassut

08. November 2022

Aalajangiiffisassatut siunnersuut, Upernavimmi Uummannamilu, nunaqarfiillu eqqaaniit-tuni pillugu Naalakkersuisut nalunaarusiussasut, nalunaarusiaq agguanneqassaaq UKA 2023-imi. Nalunaarummi erseqqissarneqarsimassaaq, eqqakkanik isumaginninneq qanoq allatut suliarineqarsinnaanersoq, ukiuni arlalippassuarni atasinnaasunik, kiassarnikkut innaallagiaqarnikkullu iluaqutaasinnaasunik sanaartussagaanni, qanorlu aningaasaqarnik-kut kinguneqassanersoq.

(Inatsisartunut ilaasortaq Aqqalu C. Jerimiassen, Atassut)

Inatsisartuni ilaasortaq, Aqqalu C. Jerimiassen, Atassut, inatsisartunut aalajangiiffisassamik siunnersuuteqarninnut qujanaq, imatullu Atassummiit oqaaseqarfigissavarput.

Inatsisartut ukiaanerani 2023-imi Naalakkersuisut qulaani qulequtarineqartumut, Upernavimmi Uummannamilu, nunaqarfiillu eqqaaniituni ukiuunerani sikuusartumi, umiarsuartigut qaammatini arlalinni angalaffiusinnaanngilluinnarfiisa nalaanni, eqqaaveqarnikkut ikuallaaveqarniarnerullu annertuumik ajornartorsiutaanera pillugu, ingattarsernerunngilluinnarpoq nalunaarusioqqusissalluni.

Siunnersuuteqartup Nunatta avannaani, eqqakkanik suliaqarniartarneq kanngunaannartumik akuer-sarneqarsinnaanngitsoq, Nunatsinni innuttaasorpasuarniik tusagassiorfitsigut TV-lu aqqutigalugu takutinneqartarneragut qularutissaanngilluinnartumik naliliinera isumaqatigineqassaaq. Tamannalu-mi aamma avannaani eqqagassalerinerup amigarneranik Naalakkersuisut siunnersuuteqartumut isumaqataaneraput.

Avannaata Kommunianiit qinikkat akornanni assigiinngiaalaartumik isummersortarsimanerup kingunerisaanik, Naalakkersuisut tupinnanngitsumik neriuutigineqarpoq ESANI A/S-imut ilaaleq-qissinnaanerlutik ersarissumik isummerfigiumaaraat.

Aap Atassut inatsisartuni ESANI A/S-ip pilersinnissaanut amerlanerussuteqarluartunik akuersissutigineqarmallu Naalakkersuisooqataavugut, uangalu nammineq taamanikkut Avatangiisinut Naalakkersuisuuvunga.

Nunatsinni tamani eqqaaveqarniarnikkut eqqagarpassuarnillu ikuallaaginnartarnerup inuit peqqissusaannut ulorianaateqarnera ilisimagaluarlugu, immikkulli akuersissuteqartoqartarnerit ingerlaavarnikuupput katersarpassuit ikilisarniarlugit. Tamatuma kingorna kommuunetoqqat atuunnerisa nalaanni, illoqarfiit ilaanni nunaqarfippaalussuarnilu akileequatigiittarneq atorlugu, ikuallaavinnik pilersitsiortorsimanerput siuariaataavoq tamakkiisuunngitsumilli.

Tamakkulu pillugit oqaluttarfik manna atorlugu Nunatta qeqqa Maniitsoq ilanngulluni ukiuunerani ima sikuusartiginikuuvugut allaat umiarsuarnik illoqarfipput nunaqarfigulluunniit tikinneqarsinnaasaratik. Tassa pinngortitap politikikkut aqussinnaanagu Atassummiit oqaasinnaatta ilaannaat. Ukiunili makkunani immatta kissarnerulerneragut avannaani sikuusarnerata annikilliartorpoq, imaatigullu angallaneq periarfigissaarneruleriartorluni taamaaginnarnavinngilarli.

Siunnersuuteqartup kiassarnikkut innaallagiaqarnikkullu iluaqutaasinnaasunik siuariartornerput aammalu sooq Nunatta qeqqani Nuuk Sisimiuniinnarlu ikuallaavissualiortoqarniarnera apeqqusii-voq. Pingaartumik avannaani ukiuunerani kujammut assartuiniartarnissat ajornartorsiutaasarnissaat minnerpaaffissamiitinnissaat siunertaralugu, sooq avannaani inoqarfiit ilaanni ikuallaavissualiornissaq pingatserneqarsinnaaneralu siunertaralugu, itigartitsinissamik inassuteqaannarani nalunaarusiornissamik piumasaqarneq ammaffigineqarsinnaassanngila.

Sisimiut aamma ukiorissaallaraangat sikuulluurtunut umiarsuarnillu tikikkuminaassinnaanera ilisimalluinnarparput, taamaattumik isumaqatigiissinnaaneq ajornartorsiutillu pitsaannerusumut sangu-tinniarneqarnerinut siunnersuuteqartup oqariartuutaanut Atassummiit paasinnilluarpugut isumaqataallutalu.

Politikkikkummi aalajangersimanigut akuerseqataasimagaluaruttaluunniit, inatsisartut sulinitinni naleqqussaaqqittariaqartarnigut piviusuummata, inatsisartoqatit Naalakkersuisullu nalunaarusioqqusinerlut, ikuallaavissualiornissat pingatserneqarsinnaanerlut Atassummiit peqatiseeraassi. Suliallu aappassaaneerneqartigani ataatsimiititaliamut susassaqtumut ingerlateqqaarnissaa inassutigalugu.

Qujanaq.

